

PRAVILNIK**o načinu upravljanja i održavanja javnih parkirališta****I OPĆE ODREDBE****Član 1.**

Ovim Pravilnikom uređuju se način upravljanja, održavanja i korištenja javnih parkirališta na području općine Velika Kladuša.

Član 2.

Javnim parkiralištem smatra se javna površina namijenjena za zaustavljanje i parkiranje:

- putničkih automobila,
- autobusa,
- teretnih motornih vozila,
- bicikala,
- bicikla s motorom i motocikala, a u skladu sa postavljenom saobraćajnom signalizacijom.

Član 3.

Poslove iz člana 1. ovog pravilnika obavlja pravno lice na kojeg je ugovorom prenešeno pravo upravljanja i održavanja javnih parkirališta (u daljem tekstu „pravno lice“).

Član 4.

Prema tehničkim normativima javna parkirališta zavisno od namjene i vrste parkiranja (uzdužno, koso i okomito parkiranje), moraju imati propisane standarde te propisanu horizontalnu i vertikalnu signalizaciju sa uputama za korištenje i plaćanje naknade.

Član 5.

Visinu naknade za korištenje usluga javnih parkirališta propisuje cjenovnikom pravno lice uz saglasnost Općinskog vijeća Općine Velika Kladuša.

Član 6.

Javna parkirališta svrstavaju se u parkirne zone. Parkiranje na javnom parkiralištu može biti s ograničenim ili neograničenim vremenom trajanja parkiranja.

II UREĐENJE JAVNIH PARKIRALIŠTA**Član 7.**

Pravno lice je dužno u skladu sa propisima o sigurnosti saobraćaja izvršiti obilježavanje javnih parkirališta sa vertikalnom i horizontalnom saobraćajnom signalizacijom.

Vertikalna signalizacija treba da sadrži:

- oznaku P (parkiralište),
- broj parkirne zone,
- upozorenje o obaveznoj naplati usluga parkiranja,
- cijena pružanja usluga javnih parkirališta (vremenski termini)
- upozorenje da će vozila bez parkirne karte i vozila parkirana na nedozvoljenim

(neobilježenim) mjestima biti premještena ili blokirana,

- radno vrijeme naplate usluga parkiranja.

Horizontalna signalizacija parking prostora sadrži:

- bijelim linijama označeno parking mjesto na podlozi parkinga,
- bjelim linijama označen smjer kretanja vozila za ulaz i izlaz sa parkinga.

III ORGANIZACIJA I KORIŠTENJE JAVNOG PARKIRALIŠTA**Član 8.**

Javna parkirališta na kojima su određena mjesta za pružanje usluga parkiranja u gradu i naseljima općine Velika Kladuša su utvrđena članom 21. Odluke o regulaciji saobraćaja u gradskom području i naseljenim mjestima općine Velika Kladuša („Sl. glasnik Općine Velika Kladuša“, broj: 04/10, 10/10 i 8/11, u daljem tekstu „Odluka“) i to:

PARKINZI U I ZONI PARKIRANJA

- uređeni prostor u ulici Hamdije Pozderca od prvog prolaza kroz park do donjeg dijela parka prema ulici Maršala Tita (uz naplatu) skraćeni naziv „PARK“. Ima ukupno 30 parkirnih mjesta za zaustavljanje i parkiranje. Naplata usluga korištenja parkirališta vrši se putem parkomata ili ovlaštenog inkasatora u periodu od 06:00 do 21:00 sati u ljetnom periodu, te od 07:00 do 16:00 sati u zimskom periodu.
- uređeno parkiralište u ulici Maršala Tita, zgrade NIZ-a, DIL. E (uz naplatu), skraćeni naziv „NIZ“. Ima ukupno 50 parkirnih mjesta za zaustavljanje i parkiranje. Naplata korištenja parkirališta vrši se putem parkomata ili ovlaštenog inkasatora u periodu od 06:00 do 21:00 sati u ljetnom periodu, te od 07:00 do 16:00 sati u zimskom periodu.
- neuređeni prostor u ulici Ibri Miljkovića Uče – lokacija Tržnog centra (uz naplatu), skraćeni naziv „TRŽNI CENTAR“. Ima ukupno 150 parkirnih mjesta za zaustavljanje i parkiranje. Naplata korištenja parkirališta vrši se putem parkomata ili ovlaštenog inkasatora u periodu od 06:00 do 21:00 sati u ljetnom periodu, te od 07:00 do 16:00 sati u zimskom periodu.
- uređeno parkiralište u ulici Ibrahima Mržljaka, kod crkve (uz naplatu), skraćeni naziv „KOD CRKVE“. Ima ukupno 20 parkirnih mjesta za zaustavljanje i parkiranje. Naplata korištenja parkirališta vrši se putem parkomata ili ovlaštenog inkasatora u periodu od 06:00 do 21:00 sati u ljetnom periodu, te od 07:00 do 16:00 sati u zimskom periodu.

PARKINZI U II ZONI PARKIRANJA

- uređeno parkiralište u ulici Huske Miljkovića – desna kolovozna traka od Cazinske ulice do ulice

Sulejmana Topića (uz naplatu), skraćeni naziv „HUSKE MILJKOVIĆA“. Ima ukupno 30 parkirnih mjesta za zaustavljanje i parkiranje. Naplata korištenja parkirališta vrši se putem parkomata ili ovlaštenog inkasatora u periodu od 07:00 do 16:00 sati.

- uređeni parking u ulici Zuhdije Žalića ispred zanatskog centra „Hrnčin bunar“ (bez naplate), skraćeni naziv „HRNČIN BUNAR“. Ima 20 parkirnih mjesta za zaustavljanje i parkiranje.

PARKINZI U III ZONI PARKIRANJA

- uređeni prostor stare autobusne stanice u ulici Zuhdije Žalića (uz naplatu) uz rezervaciju 5 (pet) taxi stajališta (naplata prema odredbama člana 21. tačka 10. Odluke), skraćeni naziv „STANICA“. Ima ukupno 50 parkirnih mjesta za zaustavljanje i parkira. Naplata korištenja parkirališta vrši se putem parkomata ili ovlaštenog inkasatora u periodu od 07:00 do 16:00 sati.
- uređeno parkiralište u ulici Sulejmana Topića od križanja sa ulicom Huske Miljkovića do ulice Ive Marinkovića, u dijelu desne kolovozne trake (bez naplate), skraćeni naziv „SULEJMANA TOPIĆA“. Ima ukupno 10 parkirnih mjesta za zaustavljanje i parkiranje.
- uređeni prostor uz kolovoz ulice Mahmuta Zulića Adže, desna strana od ulice Ibrahima Mržljaka do ulice Ibri Miljkovića Uče (bez naplate), skraćeni naziv „MAHMUTA ZULIĆA“. Ima ukupno 15 parkirnih mjesta za zaustavljanje i parkiranje.
- uređeni prostor ispred objekata Javnih komunalnih preduzeća u Trnovima kod pijace (uz naplatu), skraćeni naziv „PIJACA“. Ima ukupno 300 parkirnih mjesta za zaustavljanje i parkiranje. Naplata korištenja parkirališta vrši se putem parkomata ili ovlaštenog inkasatora u periodu od 07:00 do 16:00 sati.
- neuređeni prostor preko puta Gradske sportske dvorane Velika Kladuša, parking prostor za teretna motorna vozila (uz naplatu), skraćeni naziv „DVIORANA“. Naplata korištenja parkirališta vrši se putem parkomata ili ovlaštenog inkasatora u periodu od 07:00 do 19:00 sati.

PARKINZI SA POSEBNIM REŽIMOM PARKIRANJA

- uređeni i neuređeni prostor iza stambenih objekata kolektivnog stanovanja – zgrade „RO I“ i „RO II“, skraćeni naziv „REDŽIĆA OGRADE“. Ima ukupno 30 parkirnih mjesta za zaustavljanje i parkiranje za potrebe stanara pomenutih zgrada uz primjenu vinjeta.
- uređeni i neuređeni prostor iza stambenog objekta kolektivnog stanovanja – zgrada Borovo, skraćeni naziv „BOROVO“. Ima ukupno 10 parkirnih mjesta za zaustavljanje i parkiranje za potrebe stanara pomenute zgrade uz primjenu vinjeta.
- uređeni i neuređeni prostor iza stambenih objekata kolektivnog stanovanja – zgrada „STARI SOUR“,

„BAŠČA“ i „KIB banke“, skraćeni naziv „KIB“. Ima ukupno 10 parkirnih mjesta za zaustavljanje i parkiranje za potrebe stanara pomenutih zgrada uz primjenu vinjeta.

- uređeni i neuređeni prostor iza stambenih objekata kolektivnog stanovanja – zgrade Duplex I i II, Bosna barit, Sanitex I i II, Tržište II i IV, skraćeni naziv „DUPLEX“. Ima ukupno 50 parkirnih mjesta za zaustavljanje i parkiranje za potrebe stanara pomenutih zgrada uz primjenu vinjeta.
- uređeni i neuređeni prostor iza stambenih objekata kolektivnog stanovanja – zgrade u ulici Maršala Tita, Dilekacija A-E i VČ P-3, skraćeni naziv „DIL“. Ima ukupno 50 parkirnih mjesta za zaustavljanje i parkiranje za potrebe stanara pomenutih zgrada uz primjenu vinjeta.
- uređeni i neuređeni prostor kod stambenih objekata kolektivnog stanovanja – zgrade Mekote, skraćeni naziv „MEKOTE“. Ima ukupno 100 parkirnih mjesta za zaustavljanje i parkiranje, za potrebe stanara pomenute zgrade uz primjenu vinjeta.
- uređeni i neuređeni prostor iza zgrade pošte, vatrogasnog doma, zgrade „PK 1“ i „CRVENA ZGRADA“, skraćeni naziv „VATROGASNI DOM“. Parking prostor je namijenjen za vozila pošte i vatrogasnog doma bez naplate, te za stanare zgrada „PK 1“ i „CRVENA ZGRADA“ uz primjenu vinjeta.
- uređeni prostor u ulici Huske Miljkovića od ul. Handije Pozderca do Cazinske ulice – parking prostor za službena vozila i uposlenike Općinskog organa uprave (bez naplate), skraćeni naziv „OPĆINA“. Ima ukupno 30 parkirnih mjesta za zaustavljanje i parkiranje.
- uređeni prostor u ulici Maršala Tita kod zgrade Općinskog suda (uz naplatu primjenom odredbi člana 21. tačka 10. Odluke), skraćeni naziv „SUD“. Ima ukupno 8 parkirnih mjesta za zaustavljanje i parkiranje za potrebe Suda.
- neuređeni prostor kod zgrade MUP P.S. Velika Kladuša, bočno do crkve i iza objekta zgrade, za potrebe MUP-a (bez naplate), skraćeni naziv „POLICIJA“. Ima ukupno 30 parkirnih mjesta za zaustavljanje i parkiranje, za potrebe policijske stanice Velika Kladuša.
- uređeni prostor ulice Tone Hrovata desna kolovozna traka ispred Odsijeka za administraciju Policijske stanice Velika Kladuša, zabrana zaustavljanja i parkiranja osim vozila Odsijeka za administraciju, skraćeni naziv „MUP“. Ima ukupno 15 parkirnih mjesta za zaustavljanje i parkiranje za potrebe MUP-a.
- neuređeni prostor kod zgrade JU „Srednje škole“, parking prostor za potrebe JU Srednjih škola i Prve osnovne škole, skraćeni naziv „SREDNJA ŠKOLA“. Ima ukupno 160 parkirnih mjesta za zaustavljanje i parkiranje za potrebe pomenutih škola uz primjenu vinjeta.
- neuređeni prostor kod OŠ „25 NOVEMBAR“ – parking prostor za putnička motorna vozila (bez

naplate), skraćeni naziv „25. NOVEMBAR“. Ima ukupno 150 parkirnih mjesta za zaustavljanje i parkiranje.

- uređeni prostor od raskrsnice sa ulicom Nurije Pozderca do Bihačke ulice, desna kolovozna traka (bez naplate), skraćeni naziv „SANITEKS“. Ima ukupno 30 parkirnih mjesta za zaustavljanje i parkiranje.
- uređeni prostor na spajanju ulica Nurije Pozderca i Tone Hrovata – javna površina ispred poslovnog prostora s lijeve strane skraćeni naziv „SANITEKS II“. Ima ukupno 8 parkirnih mjesta za zaustavljanje i parkiranje (naplata prema odredbama člana 21. tačka 10. Odluke).
- uređeni prostor ispred JZU „GRADSKA APOTEKA“ Velika Kladuša, parking prostor za potrebe JZU „GRADSKA APOTEKA“ (bez naplate), skraćeni naziv „GRADSKA APOTEKA“. Ima 4 parkirna mjesta za zaustavljanje i parkiranje, za potrebe pomenute ustanove.
- ostali uređeni prostori javnih površina (prostori ispred poslovnih prostorija: banke, ugostiteljski i prodajni prostori i sl.) u skladu sa dobivenim odobrenjem nadležne službe općinskog organa uprave uz naplatu komunalne takse prema odredbama Odluke o privremenom korištenju javnih površina („Službeni glasnik općine Velika Kladuša“, broj: 8/10).
Kontrolu korištenja javnih parkirališta vrši ovlašteni inkasator sa akreditacijom.

Član 9.

Ljetni period naplate parkiranja počinje dana 01.04 tekuće godine i traje do 31.10. tekuće godine. Zimski period traje od 01.11. tekuće godine do 31.03. naredne godine.

Naknada za parkiranje na javnim parkiralištima ne plaća se nedjeljom i državnim praznicima.

Član 10.

Vozila dostave i službena vozila (vozila hitne pomoći, vatrogasna vozila, vozila policije, vojske, civilne zaštite, inspekcije i drugih organa i institucija), kada u toku intervencije odnosno snabdijevanja poslovnih prostora koriste javna parkirališta ne plaćaju naknadu za parkiranje.

Član 11.

Naplata korištenja usluga javnih parkirališta vrši se:

- putem parkomata,
- elektronskim putem (slanjem SMS-a),
- putem ovlaštenog inkasatora na javnom parkiralištu.

Član 12.

Parkirna karta je isprava kojom korisnik parkirališta dokazuje da je platio naknadu za parkiranje, i da se na parkiralištu zadržava u okviru dopuštenog vremena.

Parkirna karta vrijedi samo za javno parkiralište na kojem je kupljena i za period koji je na istoj naznačen.

Član 13.

Parkirna karta je univerzalni obrazac i sadrži:

- Oznaku grada i preduzeća koje upravlja parking zonom,
- Oznaku i broj parkinga – zone parkiranja,
- Serijski broj – kupona karte,
- Cijenu parkiranja u zoni,
- Vrijeme početka parkiranja,
- Vrijeme dopuštenog trajanja parkiranja.

IV ODRŽAVANJE JAVNIH PARKIRALIŠTA

Član 14.

Ugovorom o prenošenju prava upravljanja i održavanja javnih parkirališta regulišu se prava i obaveze pravnog lica koje preuzima upravljanje parking prostorima.

Član 15.

Na javnim parkiralištima je zabranjeno:

- parkiranje i zaustavljanje vozila suprotno postavljenom saobraćajnom znaku, horizontalnoj i vertikalnoj signalizaciji,
- parkiranje i zaustavljanje neregistrovanog vozila,
- ostavljanje neispravnog ili havarisanog vozila,
- parkiranje i zaustavljanje vozila na mjestima predviđenim za osobe sa invaliditetom, kao i rezervisanim parking mjestima ukoliko korisnik ne spada u navedene kategorije,
- parkiranje vozila koje ne pripada kategoriji vozila za koje je parkiralište namijenjeno,
- vršenje usluge popravke ili pranja vozila,
- obavljanje i drugih radnji koje utiču na nesmetano funkcionisanje parkiranja kao komunalne djelatnosti od opšteg značaja.

Član 16.

Korisnik usluge parkiranja obavezan je vozilo parkirati u skladu sa obilježenom horizontalnom signalizacijom i na način da koristi samo jedno parkirno mjesto.

Korisnik parking prostora je obavezan postaviti parking kartu sa unutarnje strane vjetrobranskog stakla vozila odmah po zaustavljanju vozila na parkirnom mjestu.

Član 17.

Parkiranjem vozila na javnom parkiralištu sa naplatom i plaćanjem parking karte, korisnik usluga parkiranja stupa u ugovorni odnos sa pravnim licem, čime prihvata opće uvjete o korištenju javnog parkirališta.

Ugovornim odnosom iz predhodnog stava isključuje se čuvanje vozila te odgovornost za oštećenja ili krađu vozila.

Član 18.

Korisnici javnih parkirališta mogu izvršiti rezervaciju, odnosno zakup određenog parking mjesta

na određeni vremenski period, po tarifi iz važećeg cjenovnika.

Pravno lice je dužno rezervisana parking mjesta posebno obilježiti horizontalnom signalizacijom.

Član 19.

Vozila koja nisu parkirana u skladu sa obilježenom horizontalnom signalizacijom ili koriste javno parkiralište bez vidno istaknute parking karte, po uočavanju od strane ovlaštenog lica – inkasatora biće blokirana "lisicama" za blokadu točkova u skladu sa odredbama Pravilnika o korištenju "lisica" za blokadu točkova, a po potrebi i premještena na, za to određeno parkiralište o trošku vlasnika odnosno korisnika vozila u skladu sa odredbama Pravilnika o korištenju "Pauka".

Član 20.

Javna parkirališta se moraju redovno održavati i po ukazanoj potrebi vršiti čišćenje, pranje, kupljenje smeća, uklanjanje snijega u zimskom periodu i drugih materijala sa parking prostora.

Član 21.

Pravno lice je dužno na parking prostoru obezbijediti parkirna mjesta za vozila kojima upravljaju ili ih koriste invalidna lica i to:

- do 10 parkirnih mjesta jedno parkirno mjesto za invalide,
- do 20 parkirnih mjesta dva parkirna mjesta za invalide,
- do 50 parkirnih mjesta tri parkirna mjesta za invalide,
- preko 50 parkirnih mjesta pet parkirnih mjesta za invalide.

Parkirati na tim mjestima mogu lica koja imaju poseban međunarodni znak „znak za pristupačnost”

„Znak za pristupačnost” može se koristiti samo uz prisutnost nosioca istog i kada je vidno istaknut na vozilu.

Član 22.

Uređenje, opremanje i održavanje javnih parkirališta vrši se iz sredstava ostvarenih pružanjem usluga parkirališta, planiranih sredstava iz budžeta Općine i sredstava pravnog lica kojem je povjereno upravljanje parkiralištima.

V PROVOĐENJE PRAVILNIKA

Član 23.

Nadzor nad primjenom pravilnika vrši se u skladu sa Odlukom.

Kontrolu pravilnosti korištenja javnih parkirališta vrši pravno lice kojem je povjereno upravljanje parkiralištima, a posebno kontroliše pravilnost parkiranja, isticanje parkirne karte, njenu ispravnost, vrijeme zadržavanja i ponašanje inkasatora na radnom mjestu.

Član 24.

Sastavni dio ovog pravilnika je grafički prikaz javnih površina – parkirališta koja su utvrđena članom 8. Pravilnika, kao i Cjenovnik pružanja usluga na javnim parkiralištima, sa Zaključkom Općinskog vijeća kojim je data saglasnost na cjenovnik usluga.

Član 25.

Stupanjem na snagu ovog Pravilnika prestaje da važi Pravilnik o načinu upravljanja i održavanja javnih parkirališta („Službeni glasnik Općine Velika Kladuša“, broj: 11/10).

Član 26.

Ovaj pravilnik stupa na snagu danom donošenja, a objaviće se u Službenom glasniku Općine Velika Kladuša i dostaviti se organima za provođenje pravilnika i pravnom licu.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 03/2-02-3727/11
Velika Kladuša, 21.10.2011. godine

Na osnovu člana 12. stav 3. Zakona o ministarskim, vladinim I drugim imenovanjima Federacije Bosne i Hercegovine („Službene novine Federacije Bosne i Hercegovine”, broj: 12/03 I 34/03), te člana 49. Statuta Općine Velika Kladuša („Službeni glasnik Općine Velika Kladuša“, broj: 9/07), Općinski načelnik Općine Velika Kladuša, donio je:

Z A K L J U Č A K

I

Daje se saglasnost na Odluku Upravnog odbora JZU "Gradska apoteka" Velika Kladuša, broj: 19/2011, od 19.10.2011. godine, kojom se za direktora JZU «Gradska apoteka» Velika Kladuša imenuje Kapidžić (Edhem) Emir mr. ph. sa danom 20.10.2011. godine.

II

Ovaj Zaključak stupa na snagu danom donošenja, a ima se objaviti u "Službenom glasniku Općine Velika Kladuša".

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-02-3689/11
Velika Kladuša, 19.10.2011.godine

Na osnovu člana 49. Statuta Općine Velika Kladuša („Službeni glasnik Općine Velika Kladuša“, broj: 9/07), Općinski načelnik Općine Velika Kladuša, donio je slijedeći

Z A K L J U Č A K

I

Odobravaju se sredstva sa izdvojenog računa za prirodne i druge nepogode 0,5% Civilna zaštita